

分類補註李太白詩

七



分類補註李太白詩卷之十六

送

南陽送客

斗酒勿爲薄寸心貴不忘坐惜故人去偏令
遊子傷離顏怨芳草春思結垂楊揮手再三
別臨岐空斷腸

王贊曰論語久要
不忘平生之言

送張舍人之江東

張翰江東去正值秋風時天清一鴈遠海闊

孤帆遲白日行欲暮滄波杳難期吳洲如見

月千里幸相思

齊賢曰張翰事見前卷

送王屋山人魏萬還王屋

并序

王屋山人魏萬云自嵩宋沿吳相
送數千里不遇乘興遊台越經永
嘉觀謝公石門後於廣陵相見美
而愛文好古浪跡方外因述其行
而贈是詩

一作見王屋山人魏萬云自嵩歷兗遊梁入吳

計程三千里相訪不遇因下江東
尋諸名山往復百越後於廣陵一
面遂乘興共過金陵此公愛奇好
古獨出物表因述其行李有此詩

仙人東方生浩蕩弄雲海沛然乘天遊獨往

失所在魏侯繼大夕本家聊攝城卷舒入元

化跡與古賢并

齊賢曰東方朔暫之紫泥之海見二卷杜預曰聊攝齊西

界平原聊縣東北有攝城

十三弄文史揮筆如振綺辯折

田巴生心齊魯連子西涉清洛源頗驚人世

喧采秀卧王屋因窺洞天門謁來遊嵩峯羽

客何雙雙朝携月光子暮宿玉女牕鬼谷上

窈窕龍潭下奔淥

齊賢曰東方朔書曰年十三學書三冬文史足用唐

王屋縣隸河南府有王屋山嵩山唐隸河南登封縣鬼谷先生晉平公時人隱居鬼谷因以爲號先生姓王名剛蘇秦張儀從之學學成歸先生與一隻復化爲犬以引二子即日到秦徐廣曰潁川陽城有鬼谷嵩山嵩陽觀西有龍潭士贇曰魯連子曰齊之辯者曰田巴辯於沮丘而議於稷下毀五帝罪三王一日而服千人有徐易弟子曰魯連謂劫曰臣願當田子侯不取復說於是往見而請曰今楚軍南趙伐高唐亡在朝夕今臣將罷南陽之師還高唐之兵所貴談說此之謂也如先生之言有似是者人皆惡之田巴於是杜口

易業終身不談深音叢毛詩箋云水會也說文小水入大水

東浮汴河水

訪我三千里逸興滿吳雲飄飄淞江汜揮手

杭越間章臺望潮還濤捲海門石雲橫天際

山白馬走素車雷奔駭心顏

齊賢曰浙江汜杭今之臨安浙

之西越州今紹興府浙之東接亭在焉

遙聞會稽美且度耶溪

水萬壑與千巖崢嶸鏡湖裏秀色不可名清

揮滿江城人遊月邊去舟在空中行此中久

延佇入剡尋王許笑讀曹娥碑沈吟黃綰語

天台連四明日入向國清五峯轉月色百里

行松聲靈溪谷沿越華頂殊超忽石梁橫青

天側足履半月

齊賢曰世說顧長康從會稽還人問山川之美顧云千巖

競秀萬壑爭奇耶溪見前許邁移臨安入西山改名玄義之曹娥上虞人父時迎神涿清而上爲水所淹不得尸娥年十四乃投瓜于江祝父在此瓜當沉旬有七日瓜沉娥遂投江而死縣令度尚爲改葬作碑蔡邕過吳讀碑文以爲詩人之倫因刻石傍作八字云黃綰幼婦外孫壘曰曹操與楊脩共讀之脩先悟操行三千里方悟爲絕妙好辭四字天台賦云過靈溪而一躍僧惠虛姓陳居天台國清寺與同侶遊山戲過石橋水峻苔滑懸流

萬仞下不見底衆皆股慄不行惠虛獨超然而過徑上石壁外微有小徑遂見宮闕連亘十里許其門題曰會真府左曰金庭宮右曰同伯宮皆金樓玉牕高百餘尺孔靈符會稽記曰赤城山有石橋懸度

眷然思永嘉不憚海路賒掛席

歷海嶠迴瞻赤城霞赤城漸微沒孤嶼前嶢

兀水續萬古流亭空千霜月

齊賢曰唐温州永嘉郡謝靈運

出爲永嘉守郡有各山水肆意遊遨徧歷諸縣所至輒爲詩詠以致其意故有登臨海嶠初發強中作會稽記曰赤城山山色皆赤狀似雲霞縉雲川谷難石門

最可觀瀑布掛北斗莫窮此水端噴壁灑素

雪空濛生晝寒却思惡溪去事懼惡溪惡咆
哮七十灘水石相噴薄路創李北海巖開謝
康樂松風和猿聲搜索連洞壑徑出梅花橋
雙溪納歸潮落帆金華岸赤松若可招齊賢
巨唐
處州縉雲縣謝靈運有登石門最高頂詩又
靈運遊名山志曰石門開六處石門遡水上
入兩山開兩邊石壁右邊石巖下臨澗水南
史褚伯玉錢塘人往剡居瀑布山麗水縣東
十里有惡溪多水怪太白自註李邕昔爲括
州開此嶺路又曰惡溪有謝康樂題詩處婺
州金華縣有金華山金華有赤松
澗人見赤松子安期先生於此
沈約八詠

樓城西孤岧嵒嵒四荒外曠望群川會雲

卷天地開波連浙西大亂流新安口北指嚴

光瀨釣臺碧雲中邈與蒼嶺對稍稍來吳都

徘徊上姑蘇煙綿橫九疑潏水大貌蕩見五湖

目極心更遠悲歌但長吁齊賢曰南史沈約字休文吳郡人爲

棗陽太守郡有沈約八詠樓又有新安江水

至清淺詩蘇州吳郡治吳縣五湖即震澤見

前王贊曰師古曰戎狄荒服故曰四荒言其恍惚去來無常也蒼嶺在台州仙居縣西北

五十里高

五千丈迴橈楚江濱揮策楊子津身著日

本裘

裘則朝卿所贈日本布爲之

昂藏出風塵五月造我

語知非佻儻人相逢樂無限冰石日在眼徒
干五諸侯不致百金產吾反楊子雲絃歌播
清芬雖爲江寧宰好與山公群乘興但一行
且知我愛君君來幾何時仙臺應有難東牕
綠玉樹定長三五枝至今天壇人當笑爾歸
遲我苦惜遠別茫然使心悲黃河若不斷白
首長相思

齊賢曰日本去京師萬四千里

送當塗趙少府赴長蘆

我來楊都市送客回輕舠因誇楚太子便覩
廣陵濤仙尉趙家玉英風凌四豪維舟至長
蘆目送煙雲高搖扇對酒樓持袂把蟹螯前
途儻相思登嶽一長謠

齊賢曰楊都揚州士
贊曰漢書游俠傳信

陵平原孟嘗春申游諸
侯者以四豪爲稱首

送友人尋越中山水

聞道稽山去偏宜謝客才千巖泉灑落萬壑

樹縈迴東海橫秦望西陵遶越臺湖清霜鏡

曉濤白雪山來八月枚乘筆三吳張翰杯此

中多逸興早晚向天台

齊賢曰會稽記秦望山在州城正南史記

始皇登之望南海西陵與浙江亭相對乃錢塘會稽津渡處晉張翰任心自適不求當世或謂之曰卿乃可縱遇一時偏不爲身後名邪答曰使我有身後名不如即時一杯酒天台山在合州士贊曰越臺即越王臺圖經云在種山今在卧龍之西

送族弟凝之滁求婚崔氏

與爾情不淺忘筌已得魚玉臺掛寶鏡持此

意何如坦腹東牀下由來志氣踈遙知向前

路擲菓定盈車

齊賢曰莊子筌者所以求魚也得魚而忘筌潘安仁至美

每行老嫗以菓擲之滿車

送友人遊梅湖

送君遊梅湖應見梅花發有使寄我來無令

紅芳歇暫行新林浦定醉金陵月莫惜一鴈

書音塵坐胡越

齊賢曰漢書帝思蘇武使謂單于天子射上林得鴈足繫

帛士贇曰陸凱與范曄相善自至南寄梅花一枝寄長安與復詩曰新梅逢驛使寄與隴

頭人自遠迴所
有聊贈一枝春

送崔十二遊天竺寺

還聞天竺寺夢想懷東越
每年海樹霜桂子落秋月
送君遊此地已屬流芳歇
待我來歲行相隨浮溟渤

齊賢曰錢塘諸寺天竺最盛
山有一門南北相望而上下

兩天竺寺

送楊山人歸天台

客有思天台東行路超忽濤
落浙江秋沙明

浦陽月今遊方厭楚昨夢先歸越且盡秉燭
歡無辭凌晨發我家小阮賢剖竹赤城邊詩
人多見重官燭未曾然興引登山屐情催泛
海船石橋如可度携手弄雲煙齊賢曰鄞長
善水經註云
浦陽江水導源烏陽縣而經上虞縣小阮乃
籍兄熙子咸也漢書巴祗爲揚州刺史在官
不迎妻子夜與士對坐暗中不然官燭謝靈
運尋山涉嶺必造幽峻巖嶂數十里莫不備
盡登躡嘗着木屐上山則去其前齒下山
則去其後齒有遊赤石進帆海詩

送溫處士歸黃山白鵝峰舊居

黃山四千仞三十二蓮峰丹崖夾石柱菡萏

金芙蓉伊昔昇絕頂下窺天目松仙人鍊玉

處羽化留餘蹤

齊賢曰黃山隸宣州圖經云黃帝與浮丘仙人鍊丹於此

爾雅荷芙蕖其華菡萏其實蓮其根藕天目

山在臨安西五十里高三千九百丈周回八

百里乃神仙所居有三十六佩太平寰宇記

天山有兩湖若左右目故曰天目士贊曰晉

書許邁徧遊名山採藥莫測亦聞溫伯雪獨

所終好道者皆謂之羽化也

往今相逢採秀辭五嶽攀巖歷萬重歸休白

鵝嶺渴飲丹砂井鳳吹我時來雲車爾當整